

Antoni Gario no lo por participa den ningun actividad di SAC



FOR di algun dia caba por a nota un tension creciente entre Antoni Gario di Le Groove y actual Calypso King y SAC, camin-

da palabranan no mucho bunita tabata bin den publicidad. E couplet adicional cu Gario lo a hinca den su calypso graba na

studio tambe a cai den masha mal tera serca actual Road-march King, Mighty Campo, kende na promer instante a indica cu e ta entrega su corona, pero finalmente a dicidi cu e ta keda cu su titulo y a acudi na su abogado pa mira kico e por haci debi na e 'insulto' den su contra cu a bin for di direccion di Gario.

Mientras tanto, mirando e situacion escalante aki, SAC a tuma e decision cu no lo permiti Antoni Gario participa den actividadnan di SAC, esaki incluyendo e Carnival Showdown 'Window to the World' di diabierna awor, caminda Le Groove tabata un di e bandanan cu lo a participa.

Por a compronde tambe cu mientras tanto Antoni Gario a tuma e decision y pidi disculpa publicamente durante e programa di radio di Ruben Garcia.

Awor ta keda pa mira si SAC y Mighty Campo ta acepta e disculpanan aki of ta sigui cu nan pasonan tuma caba.